



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

MOELETSI OA BASOTHO

PARARE DOMINO PLEBEM PERFECTAM



AU e'a itlhahloba


5

Bafu b'a hopoloa

7



RSL LE SLB LI BETSA KHOBA

www.moeletsioabasotho.co.ls

Re se re fumaneha ho marangrang

Email: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Motho o khethoa ka makhabane

Lerato, hlomphe, mamelo, boitsoaro, boikokobetso le boiphihlelo mosebetsing li beha litholoana tse bonahalang.

Mokhatlo o Tsamaisang Bolo ea Maoto Lesotho (LeFA) o ile oa ikeletsa ho khetha Bob Mafoso e le mokoetlisi oa sehlopha sa Naha Likuena. Emeng ea mesebetsi ea hae ke ho lokisa sehlopha bakeng sa ho phunyaletsa ho ea mohopeng oa litlholisano tsa Africa Cup of Nations ka 2027.

Mafoso o na le boiphihlelo tabeng tsa bokoetlisi. E bile mokoetlisi oa lihlopha tse 'maloa kaher'a naha, moo a a hapileng mehope ka tatellano. 'Me re nka e le tlotla ho khetha mokoetlisi ea sa tsoa chorisa litsebo tsa hae naheng ea boahelani. Haeba re sa fose ke mokoetlisi oa bobeli kaher'a naha oa hore a koetlise lihlopha tsa kantle ho naha.

Re thoholetsa President ea LeFA ea fileng mokoetlisi hore a tsepamise maikutlo a hae feela sehlopheng sa naha, ho fapana le nakong e fetileng moo mokoetlisi a neng a ena le sehlopha sa hae ka thoko joale le sa naha. Che re ne re ntse re lebeletse mohlolo oa hore sehlopha sa naha se ka tsoelella. "U ke ke oa sebeletsa marena a mabeli." ke batho ba chong joalo.

Maeto a motona ho ea liphuthehong linaheng tse ling h'a fela, ha naha e tla fumana tse molemo re bona ho se lere lekhopo. Re le naha re hloka ho bona batseteli ba kena lenyele-nyele kahar'a naha ho tla hlalisa mesebetsi ka bongata, e le hobane bahlomphehi ba rapalalitse likopo tsa naha moo 'mokenge. Naha ea rona e ntle haholo empa e hloka batho ba e rekisang, haholo ho hohela bahahlauli, ena le libaka tse ntle ka ho fetisisa tse ka etsang hore moruo oa naha o nyolohe.

O mong oa melao ea Morena Molimo ke hore; o se ke oa bolaea. Ha hona mang kapa mang ea nang le tokelo ea ho nka bophelo ba e mong. Taba ena ea sethunya se jang motho letsatsi le chabang le le likelang ha e jese litheohelang. Bana ba Basotho ba bolauoe ka sehloho naheng ea boahelani. Na sethunya se ka tlisa tharollo? Re lumela hore lipuisano ke tsona tse ka tlisang tharollo ea moshoelella. Re tšelisa Motlotlehi ka tahlehelo ea sechaba sa hae esita le malapa a lahlehetsoeng.

Re leboha sepolesa sa Mayerton Afrika Boroa se ileng sa tlola majato ha se utloa se-ea-luma seo ka ho lelekisa le ho tsoara babelaelloa bana, e se e ka sepolesa sa rona se ka nka mohlala oo o motle.

Setsi sa Litšebeliso tsa Lekhetso (RSL) le Bank ea Standard Lesotho li thakhotse se hlalisoa se secha sa e-payment se tl'o bebofaletse balefi ba lekhotso ho lefa ha bobebe le ho ba bolokela nako. Mookameli oa SBL o re morero ona o mocha o tl'o kopanya litšebeliso tsa bona le RSL ho li etsa ngatana 'ngoe ka tšebeliso ea marang-rang.

A re morero ona o tl'o nolefaletsa balefi ba lekhetso ho lefa lekhetso ka mokhoa o bobebe, empa ba ntse ba alositse hore balefi ba fumana litšebeliso tse tsoileng matsoho tse bolokehileng tse nang le ponalletso.

Ea tsoereng molepo e le Mookameli oa RSL o lebohetse sechaba ka sehlahisoa sena, hobane se tl'o ba bolokela nako le ho se eme meleng e melelele, motho a sebelise marang-rang a ntse a lutse lapeng ho lefa lekhetso la hae.

MOLIMO A BOLOKE LESOTHO LE BASOTHO



+266 6309 8854 / 5870 0103 / 6250 5285

Colepe- Coalition of Lesotho Public Employees

Maseru Lesotho

12/02/2026

COLEPE Statement ahead of the 2026/27 Budget speech

Coalition of Lesotho Public Employees (**COLEPE**) is a public sector advocacy group comprising of Members from Lesotho Nursing and Midwifery Organisation (**LeNMO**), Lesotho Public Employees Union (**LEPEU**), Lesotho Police Staff Association (**LEPOSA**), Lesotho Association of Teachers (**LAT**), Lesotho School Principal Association (**LESPA**) and Qiloane Nursing Staff Union (**QINUSU**) representing Health Sector, General Public Sector, Teaching Sector and Security Sector.

COLEPE has noted that the current 11th administration under the leadership of Hon Matekane will table budget expropriation for the 3rd year on 18/02/2026. Upon taking the baton, Prime Minister Matekane signed a commitment with **COLEPE** on 24/02/2023 to pave away for social dialogue, address poor working conditions, non-availability of resources as well as low salaries.

3 years since the commitment, marginal progress made with registration of Public Service Bargaining Council (**PSCBC**) although negotiations and establishment of secretariat have not materialized. Workers continues to struggle with poor working conditions and non-availability of resources and grade A and B civil servants barely making ends meet as the extremely low salary of M2,691.00 fails to cater for transport, food, school fees and other basic needs. The analysis shows that from 2012 to date; public servants have lost **35.6% forgone cost of living adjustment**.

As we look with anticipation the upcoming budget appropriation, we request the government to consider the following:

1. Increase employers Pension Fund contribution from 5% to 10%
2. Review the government employee's salary structure and implement the following:
 - a) Grade A Salary to increase to Grade C equivalent
 - b) Remove Notch limit across all grades
 - c) Increase Mountain allowance to M3,000.00
 - d) Introduce hardship differential Salary for hard-to-reach area at 100%
3. Renovate dilapidated infrastructure or provide alternative quality infrastructures such as Classrooms, Police stations, Health facilities and general government offices.
4. Constantly provide essential resources to enable quality service delivery in the public Sector.

COLEPE remain committed to work with government to address poor services, corruption and absenteeism in the Public Sector as well as to improve employment relations.

END

END

END

KHOELEHETSO HO BACHA

Re kopa bacha bohle ba khoebong, tse ntseng li thuthuha le tse seng li

iphumane ba bue le Moeletsi oa Basotho ho: newsroom@moeletsioabasotho.co.ls kapa

nomorong ea WhatsApp ea +266 62600983 ho arolelana le bacha ba bang ba nang

le khahleho ea ho qala khoebo, empa ba sa tsebe ba ka qala joang.

Contacts: +266 28350 466

62600983 WhatsApp

Email: newsroom@moeletsioabasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

EMAIL: editor@moeletsioabasotho.co.ls

sub-editor@moeletsioabasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seitlheko

Tšeliso Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404

RSL le SLB li betsa khoba

Tšeliso Thakholi

Ele ho bebofatsa le ho ntlafatsa litšebeliso tsa balefi ba lekhetho, Setsi sa Lesotho sa Litšebeliso tsa Lekhetho(RSL) ka kopanelo le Banka ea Standard Lesotho(SLB) li khakotse sehlahisoa se secha seo bahoebi ba tlang ho lefa lekhetho ha bobebe o bitsoang e-payment. Tšebeliso ena e bile Victory Hall, Maseru ka la 10 Hlakola 2026.

Mookameli oa Banka ea Standard Lesotho, Monghali Sammuel Seboka o boletse hore ka morero ona o mocha oa e-payment ba fihletse boemo bo holimo ba ho kopanya ka botlalo litšebeliso tsa bona le RSL ho li etsa ngatana 'ngoe, ka tšebeliso ea mahlale a morao-rao a marang-rang. "Qeto ena ea ho sebetša 'moho e bontša tšepo e tiileng ea bohlokoa ea ho arolelana ntlafatso ea lekhetho ka tsela e tlang ho tsoela balefi molemo le ho tšehetsa kholo le ntšetso pele ea naha." A rialo.

A bontša ka botebo hore morero ke ho nolo-fatsa mokhoa oa ho lefa lekhetho, empa ba ntse ba alositse hore balefi ba fumane litšebeliso tse tsoileng matsoho, tse bolokehileng ka tšebeliso ea e-payment.

A re ba ile ba beha more-ro ona tekong, 'me o tlišitse litholoana tse monate. Ka hona sena e bile sesupo sa hore ka tšebeliso-'moho, boqapi bona ba sehlahisoa sena bo tlišise-



tse phetoho ea pele ho basebelisi bao se neng se behiloe tekong ho bona,

ho tsoelapele ka sona.

A re tšebeliso ea e-payment ke sebetša sa

hajoale a bophelo. A re e boetse ke thuto le toro e ileng ea arolelanoa ke



'me sena se tlišitse tšepo, kutloisiso le matla a ho bona bohlokoa ba sona le

bohlokoa se ntlafatsang bophelo ba sechaba le ho se beha maemong a

RSL le SLB e le ho ntlafatsa ka mokhoa o khethetse litšebeliso tsa makhetho

molemong oa sechaba le naha ka kakaretso. A qetella ka ho tiisa hore ba itlamme ho sebetša 'moho le setsi se kang RSL se nang le thahasello le lerato la ho hlahisa lipheto tse ntlafatsang le ho bebofatsa bophelo ba sechaba.

Ea tšoereng molepo e le Mookameli oa RSL Monghali Obed 'Nete o boletse hore setsoalle sa bona le SLB ha sea qala kajeno ha ba khakola sehlahisoa se secha empa ke sa khale haholo. A re e bile leeto le bohlokoa la tšebetso le ileng la qala ho tloha ka 2022, le neng le ile la qholotsoa ke taba-tabelo ea ho aha mokhoa o mocha oa ho lefa mekoloto le makhetho ka tšebeliso ea marao-rao ea marang-rang, e nang le ponaletso le ho nolo-faletsa balefi mekhoea ea ho lefa e le hoba qobisa ho ema meleng e melele ea litšebeliso tsa ho lefa lekhetho. A leboha le ho thoholetsa setsoalle sena se mofuthu.

E mong oa basebelisi ba sehlahisoa sena se secha Monghali Kabelo Sekonyela, ho tsoa Mokhotlong, o tiisitse hore mokhoa ona o mocha oa ho lefa lekhetho o bolokehile, o ba bolokela nako ebile o na le ponaletso. A khothaletsa bahoebi ho o sebelisa kaha o tiil'o ba tsoela molemo o moholo. "Re motlotlo haholo re le bahoebi ka mokhoa ona o mocha oa ho lefa lekhetho. Re leboha RSL le SLB 'me re se re kopa mokhoa o mong hape o mocha e le ho 'na re ntse re ntlafatsa bophelo ba rona." Ke eena eo.



MOELETSI O TŠEHETSA BACHA

Tšeliso Thakholi

Bacha ha banga-ta ha ba qeta ho fumana mango-lo likolong tsa mesebetsi ea matsoho le tsa thuto e phahameng, ba atisa ho qeta nako e telele ba ntse ba batla mosebetsi makaleng a fapakaneng a ‘muso hoo qetellong ba fetohang lihase ke ho nyolosa ba theosa ka lebaka la tlala le tlhobolo. Sena se bakoa ke hore bacha ba naha ena ha b’a kaba ba tloaela ho itšoarela ka matsoho ho itl-hahisetsa mesebetsi ha ba qeta likolong.

Ausi Kananelo Nyama-tane ke e mong oa bacha bao e itseng hang-hang h’a qeta ho phethela lithuto tsa hae tsa mosebetsi oa mat-soho, a ileng a iqalla khoe-bo e lokisang manala le ho a khabisa e bitsoang Kanny Nail Parlour ka selemo sa 2024.

MORERO OA HO QALA KHOEBO

Ha ke ntse ke le sekolong morero oa ka o moholo, e ne e le hore ha ke qeta ho fumana lengolo la ka, kaha mosebetsi ona oa mana-la ke o etse sekolong, ha ke batle ho lula feela kapa hona ho ‘na ke ntse ke theo-sa ke nyolosa ke batlana le mosebetsi, ona oo ke neng ke se ke ntse ke ithutile hore e hlile re le bacha ba Leso-tho re ea sokola o fumana. Ke ile ka ipolella lekunutung la ka hore ke batla ho itšeb-etsa, ka ho ithehela khoebo eo e leng ea ka, ‘me ha ke batle ho sebeletsa motho e mong ho hang. Ke batla hore ke be mocha ea ike-metseng ka khoebo ea ho

khabisa manala. Ho ile ha fela ha eba joalo, ha ke qeta sekolong ke ile ka theha khoebo ea manala.

HO ITŠEBETSA



Ke ile ka ithuta ha ke ntse ke le sekolong hore ho itšebetsa ho monate haholo, hobane ke uena o le mong’a khoebo ea lokelang ho seb-etsa ka thata ho bona hore e’a hola. Ha hona mohlang motho o tlang ho emela hore khoeli e fele o nt’ano khola. Oa ikholisa ka bo uena le hore ha hona mohla motho a tlang ho botsa hore na ha o oa ea mosebetsing keng le hore na hobaneng o sa qale mosebetsi ka nako. Tsena le tse ling li mahetle-ng a hao. Ke ntho e mon-ate haholo bacha ba heso ha motho a itšebetsa empa khoebo e boi haholo e batla tsamaiso e ntle le tšebeliso

e nepahetseng ea lichelete.

LIQHOLOTSO LE LIKATLEHO

Ke motlotlo haholo ka khoebo ena ea ho khabisa

nka sebeletsang ho sona. Ke se ke kopa ho batho bohle ba boithatelo bo bo-tle ho etsa letsoho la mon-na. Sebaka seo ke ntseng ke sebeletsa ho sona hona

le likoranta tse ling li ka nka mohlala ona oa ho tšehetsa bacha.

KELETSO HO BACHA

Ke eletsa bacha ba lile-

manala hobane ke se ke batla ke atlehile linthong tse ngata lehoja tse ling tsa tso-na ke ntse ke e-s’o li fihlele. Empa ere kaha ha ho tsela e se nang moepa, qholotso e kholo eo ke atisang ho ko-pana le eona ke ea batho ba bang ba tlabeng ba entse likopo tsa hore ba batla ho tla fumana litšebeletso tsa rona ka nako e itseng ebe ha ba tle. Ha re ba letsetsa kapa hoba etsatsa mela-etsa ebe haba sa e araba. Taba ena e baka tšitiso e kholo kaha e koalla ba bang ba neng ba lokela ho tla ka nako eno. Qholotso e ‘ngoe e kholo ke tlhokahalo ea se-baka seo e leng sa ka seo

joale ha se sa ka.

BOKAMOSO BA KHOEBO

Takatso le taba-tabelo ea ke ho bona khoebo ena ea ka e holile ho feta mona, hoba ke iphelisa ka eona. Ke batla ho bona e se e

mong tsena tsa ka le ba ka tlase ho ‘na hore ha ba ntse ba le likolong lithuto tseo ba li etsang boholo ba tsona ebe tsa mesebetsi ea mat-soho e le hore ha ba qetile ba tsebe ho itšoarela ka matsoho, ba se ke ba tšepa feela ho hiroa ke ‘muso,



fumaneha kahare le kantle ho naha. Sena se tla thu-sa hore bacha ba fumane mesebetsi. Ho feta mona ke batla ho tsebahatsa khoebo ena ea ka e le hore e tle e tsebe ho hola haholo. Ke leboha tšehetso e kholo eo Moeletsi oa Basotho o ntšehelitseng ka eona. E se e ka

empa ba itahlele ka setot-soana mesebetsing e fapa-kaneng ho iphelisa. Bacha ba heso, tsebang hle! Hore hona joale mesebetsi ha e eo. Ka hona ho itšoarela ka matsoho ho tla le thusa hore le fihlele tseo le li hlokan-bophelong ba lona le ntse le sa hiroa.

AU e'a itlhahloba

Tšeliso Thakholi

Letona la Litaba tsa Machabeng, Mohlomphehi Lejone Moptjoane o etelletse pele moifo oa Naha ea Lesotho 'mokeng oa bo-48 oa Mokhatlo oa Linaha tsa Afrika (AU), oa matona a machabeng a tikoloho ea Afrika o tsoaretsoeng Addis Ababa, Ethiopia, ka la 11 ho isa la 12 Hlakola monongoaha tlas'a mohoo oa ho netefatsa phephelo e tsitsitseng ea metsi lichabeng tsa Afrika le tsamaiso e bolokehileng ea bohloeki, e le ho phethahatsa tse ling tsa lipehelo tsa selemo sa 2063.

Morero o moholo oa 'moka ona ke ho kopanya matona a litaba tsa kantle ho naha a tikoloho ea Afrika ho tšohla har'a tse ling litaba tse amanang le lipolotiki, khotso, tšireletso le ho arolelana maikutlo litabeng tsa liphetho tse bileng teng kahar'a mekhatlo ea ntšetsopele, pele ho 'moka o moholo o akaretsang oa AU o tlang ho beheloa letsatsi le sebaka moo o tlang ho tsoareloa ho ona.

Ho ea ka Moemeli oa Lesotho Mokhatlong oa AU, Mofumahali Ntšiuoa Sekete 'moka ona o bohlokoa ha-

holo bakeng sa Naha ea Lesotho le tikoloho ea Afrika. A re AU e lokela hoba le chelete e le hore e tle e tsoele litho tsa eona molemo. A re Lesotho le phethile ka katleho e kholo boitlamo ba lona mabapi le ntšetsopele ea sechaba ho kenyeletsoa le polokeho ea bana le phepo e nepahetseng.

Puisanong le karolo ea baitšokoli seterateng sa Motse-Moholo Maseru, mabapi le maeto a bonahalang a ntse a eba mangata haholo khoeli le khoeli, a nkoang ke matona ho ea liphuthehong tse fapakaneng tsa machaba kantle ho naha, ba boletse hore a bohlokoa kaha a tlil'o tsoela naha molemo haholo-holo litabeng tse amanang le khoebo hore na baitšokoli ba linaha tse ling ba ntlafaletsa bophelo ka tsela ea mofuta ofe.

Ba ipiletsa ho matona hore ha ba ntse ba kena liphutheho le liboka tse fapakaneng tsa machaba, ba ba shebe ka leihlo la mohau ka mekhoea eo ba ka e bonang linaheng tse ling ea ho matlafatsa le ho hollisa likhoebo tsa bona. Ba re kaha ba lelekiloe libakeng tseo ba neng ba sebeletsa ho tsona kahar'a toropo ea Maseru, ka lebaka la lintlafatso tse ntseng li etsoa tsa khaho bocha ea mebala, bahlomphehi ha ba khutla liphuthehong tsena tsa



bohlokoa tse molemong oa naha, batle ba bone hore na linaheng tse ling baitšokoli ba ntlafaletsa libaka tseo ba ka rekisetsang ho tsona joang. "Rona re re liphutheho tsena ha li na taba le ha li le ngata, ha feela li ka tla re tsoela molemo ka hore matlafaletsa likhoebo tsa rona ka mekhoea e fapakaneng re le baitšokoli." Ba rialo.

Ka lehlakoreng le leng,

karolo e 'ngoe ea sechaba e seboko ka maeto a mangata a ntseng a nkoa ke matona, ka le reng ha ba bone molemo oa ona kaha ha ba khutla maetong ha hona littaleho tsa letho tseo ba li fuoang e le sechaba. E kholo ka ho fetisisa eo ba llang ka eona ke hore ba bona e le tšenyō e ngata haholo ea lichelete tsa maeto empa ho sena tema. Ba re ba se

ba bile ba ena le pelaelo ea hore maeto ana b'a nka molemong oa bona e seng oa sechaba. Ba ipiletsa hore maeto a ke a fokotsoe a se ke a ba mangata haholo, 'me chelete e neng e lokela ho sebelisoa bakeng sa maeto a bahlomphehi e ke e sebelisoa molemong oa ho hlahisa mesebetsi le ho ekeletsa maqheku le maqhekoana litsiane.



Mazenod Tailoring
Prepare good People for The Lord

tailoring@mazenodprinting.co.ls

22 350 224
+266 50757585

**Transforming your image
is our Passion**

Readily available







Bafu ba sethunya b'a hopoloa

Tšeliso Thakholi

Ntl o ea Boeme-
li ba Naha ea
Lesotho Afrika
Boroa ka tše-
hetso ea Lesotho Funeral
Services le ba malapa a Ba-
sotho ba tšeletseng ba ileng
ba thunngoa le ho bolaoa ka
sehloho ka koloing ea bae-
ti ea moetso ea Quantam,
ba bile le litšebeletso tse
mahlonoko tsa sehopotso
sa bophelo ba bafu ba Ba-
sotho tse neng li tšoaretsoe
Meyerton ka boroa ho toro-
po e kholo ea Johannes-
burg, Afrika Boroa, ka la 10
Hlakola 2026.

Bafu bane ba bolaoe ka sethunya, ha ba bang ba 18 ba neng ba ile ba kena sepetelele ka likotsi tse mpe, 'mileng oa R59 Meyerton ka la 3 Hlakola monongoaha, moo babelaelloa ba bararo ba ileng ba lleloa ke litšepe 'me ba ntse ba panya-panya Setsing sa Tlhabollo ea Batšoaruo a hona Afrika Boroa.

H'a bua lebitsong la 'Muso oa Lesotho, Moemeli oa Naha ea Lesotho tikolohong ea Johannesburg, Mofumahali 'Mamolefi Ntatsane o itse 'Muso oa Lesotho o tšehelitse ba malapa a oel-



eng ka phatla le bohle ba ntseng ba le lipetelele o sa thekesele. "Muso o re o tla ba le lona le ho tsamaea le lona tsela ena e boima, e bohloko ho fihlela qetelong." A rialo.

A leboha tšebetso e matla le boitelo ba sepolesa sa Afrika Bora ka ho khetholo-

ha sa Motebo oa Sepolesa oa Meyerton hang kamor'a hore se utloe sealuma sena. A leboha Lesotho Funeral Services ka ho tšehetsa Basotho ba habo bona ba oeleng ka phatla, ba litšebeliso tsa tšohanyetso le bohle ba kentseng letsoho ho bona hore bophelo ba

mahlatsipa a ketsahalo ena
e malimabe a ntse a hlo-
kometsoe ka makhethe a
maholo.

A phethela ka hore ba na le tšepo e tiileng ea hore lipatlisiso tse ntseng li tsoelapele li tla phetheloa ka makhethhe, 'me molao o tla sebetsa holim'a ba molato

ka ho behoa kapel'a makhotla ebe toka e'a ajoa.

Mookameli oa Motebo oa Meyerton Colonel Senzan-gakhona Mohale eena o qalile pele ka ho khothatsa le ho thoba ba malapa a lahlehetsoeng ke beng ka oona, ka ho ba hlokomelisa hore ba oele ka phatla le bona tahlehelong ena e bohloko. A khothatsa ba malapa ka hore ba tsebe liketsahalo tsena tse bohloko ha li hlahlehe bona feela empa le batho bohle. Ka hona ba tšelisehe. A re morero oa mantlha oa sepolesa ke ho sireletsa batho bohle ka-har'a Naha ea Afrika Boroa ho kenyelelitse le Basotho. A ba kopela matšeliselo a 'nete a tsoang ho Morena Molimo.

Lebitsong la Lesotho Funeral Services, Monghali Bhuda Moseme o itse mosebetsi oa mantlha oa kampani ea habo ke ho tšehetsa Basotho ha maemo e le ana a hloabaetsang. A re boteng ba bona ke ho tla etsa bonnete ba hore masapo a bana ba Basotho ba seng ba faletse a khutlela hae le ho bolokoa ka hlomphe e ba lokelang.

SUBSCRIBE & BUY ONLINE!

Monongoaha re batla re qatsohile haholo ho tsa marang-rang. Fumana libuka tsena ho marang-rang a Akello Library

Mazenod BOOK CENTRE
Prepare good People for The Lord

TIPS TO ACCESS

<https://library.akello.co/downloads>

Steps to Access our Books on Akello Online Library

1. **Visit Akello Library:** Go to (<https://www.akellolibrary.com/>) or download the app on the link provided above.
2. **Sign Up/Log In:** Register or log in with your account.
3. **Search:** Use the search bar to find "Mazenod Book Centre" or specific book titles.
4. **Select a Book:** Click on the desired book to view details.
5. **Borrow or Buy:** Borrow free books or purchase premium ones as needed.
6. **Read:** Access the book online or download it for offline reading.

For issues, contact Mazenod Book Centre

WhatsApp: (+266) 57396597

akello
LIBRARY

FOR MORE
INFORMATION

22 322 213 / 27 350 562

maserubookcentre@gmail.com / bookcentre@mazenodprinting.co.ls



Mazenod BOOK CENTRE
Prepare good People for The Lord

LI SE NTSE LI FUMANEHA MABENKELENG
A RONA

LIBUKA TSA SESOTHO

- MOSALI A NKHOLA = M195.00
- THOLOANA TSA SETHEPU = M130.00
- BOCHABA BA BASOTHO = M203.50

ENGLISH BOOKS

- CRY BELOVED COUNTRY = M343.50
- LGCSE Directed Writing Manual = M231.50
- Situational Composition = M222.00
- UNDERSTANDING AND COMMUNICATION 4 = M250.00

U ka re letsetsa ho fumana
moo lishopo tsa rona li leng hona
teng seterekeng sa hau.




BACK TO SCHOOL



M96.00



M100.00



M108.50



M195.00



M155.00



A5 M156.00
A4: M75.00

27 350 562 / 57396597 / bookcentre@mazenodprinting.co.ls



TSA KEREKE

Ketelo ea Mopapa e fana ka tiiso le matla

Staff

Mongoli-kakaretso oa Seboka se Seholo sa Bochabela le Boroa ba Afrika (RCMSSA), Sr Nkhensane Shibambu o re ketelo ea Mopapa Leo XIV Naheng ea Angola e tlatsitse lipelo tsa bona ka thabo, teboho le tšepo kaha ke eona naha ea pele tikolohong ea Afrika ea ho mo amohela ho tloha e sale a lutseng setulong sa boli-

ba inehetseng Kerekeng ea Morena Molimo e Afrika ka bophelo bohle ba bona e le baitlami. A qetella ka ho bontša hore sechaba sa Morena Molimo se lebelletse ka tšepo e kholo hore boteng ba Ntate ea Halalelang tikolohong ea Afrika bo tla matlafatsa le ho tsosolosa tumelo ea bona, ho khothaletsa khotso le bonngoe, poelano le ho hlokomelisa lefatše ka liphephetso tse kholo tseo tikolohong ea Afrika e kopanang le tsona letsatsi ka leng.

Angola ke e 'ngoe ea linaha tsa tikoloho ea Afrika tseo Rabalumeli a ririleng ho li etela nakong ea hae ea leeto la bolisa Afrika, joalokaha Leqosa la Mopapa Tikolohong ea Afrika Mobabatsehi Kryspin Witold Dubeil a ne a tiise taba ena ea ho tla ha hae le ho e phatlalletsa baphatlalatsi ba litaba ka la 13 Pherekhong monongoaha, hore har'a tse ling tsa linaha tseo a tlang ho li etela ke Algeria, Equatorial Guinea le Cameroon.

-ACI Afrika-



sa. O buile tsena kamor'a 'moka oa bobeli oa Mekhatlo ea Bophelo ba Boapostola Afrika e Boroa, o neng o tšoaetsoe Motse-Moholo Luanda, Angola ka la 28 Pherekhong ho isa la 2 Hlakola 2026. Sr. Shibambu o bole-tse hore ketelo ea Ntate ea Halalelang e tlii'o tiisa bohlokoa ba Kereke Afrika le ho fana ka boitlamo bo bocha mosebetsing oa bona oa ho hasa evenge-li har'a lichaba. A re ketelo ena e boetse e tlišitse thabo le tlotla e kholo. Ka holimo ho tsohle e fana ka matla le tšepo e kholo tikolohong ea Afrika hape ke letšoao la tšepo ho bara le barali

Thapelo ea Basotho

'Mopi, Hlahlamacholo, Ramaseli, Rammoloki Atla li maroba, Atla li marotholi a pula, Atla li tšoeu tsa Rammoloki, Li tšoeu ke ho bopa masea, Hobane bohle re 'mopo le mosebetsi oa matsoho a ona. Hlahlamacholo hlahla metsi o'a etse keleli ea sehla sa Mariha, Hobane ka keleli u nchafatsa lichaba teng, Lichaba li tsoang ho uena 'mopong, Li tlang ho boela ho uena meahong. Ba meolimeololo, ba lumang lingope ho theleha. Ntšang tšoeu le nehe 'Mopi le tle le bone ha 'Mopi o thaba, Hobane Baholo-Balimo bona ba thabela likhalapa. Ba re ho be ho soeu, ho be malola, Ho be hele-hele pele le morao. Ho iloe kae ke Bo-ntate-moholo le Bo-nkhono ho sa keng ho khutloa, Ho iloe ha sekoti ha se tiale. 'Maakane joo! Ka 'Mopi ra le bona.

'Mopi oa Ramosholu-shololo litsohali Bo-nkhono ke bana ba labalabela matlala. Matlala b'a bona ka'ng a anetse, b'a bona ka ho theha mekhanya liphatleng tsa bona. Malatiana-tsela ngoana Rae e moholo ke mang, pitsana ha e na khobe, le e 'ngoe ha e na khobe. Qhaqholla u re qiti! Moshanyan'a sankatana le kholumo-lumo. Ho iloe kae ke bo-Mma-bana, ba ile masimong.

Ba siile masea ka liotloaneng. Liotloana tseo ha li hole li sireletse masea. Ka bona Bo-ntate-moholo le Bo-nkhono ba lutse ka shoalane molong le litlohotloholoana tsa bona ba li etsetsa litšomo tse monate;

Bo-limo le Tselane ka ba ka utloa ha ba ba etsetsa liliotho tse monate; bo-mmenthele o hlotse baruti.

Leseli! Khanya!

2025-2026 SELEMO A

SONTAHA SA 6 HAR'A SELEMO



Siraka 15:16-21

Pesalema 118

1Bakorinthe 2:6-10

Matheus 5:17-37

Khothatso



Bohlale ba Molimo

Tšimolohong, h'a bopa motho, Morena Molimo o n'a mo file mpho ea ho-se-shoe le limpho tse ngata; har'a tsona tsohle, e kholo ho feta e ne e le mpho ea bolokolohi, ke hore matla a ho khetha, matla a ho mamela kapa ho se mamele, matla a ho etsa ntho ena kapa eane. Kamorao ho sebe, Morena Molimo o ile a mo ahlola 'me a mo amoha limpho tsena tsohle, ha e se mpho ena ea bolokolohi.

Ka baka leo, Morena Molimo ha a re tlame ho mo mamela le ho tšepa-hala ho eena. Ke rona, rona feela, ka mpho ea rona ea bolokolohi, ba ka ikhethelang ho sebeletsa Molimo le ho boloka melao ea hae, kapa ho se mo tsotelle, eena le litaelo tsa hae. Hala re se na bolokolohi, re ne re tla tšoana le liphoofole tse sitoang ho hlonepha kapa ho hlompolla Molimo. Molimo h'a lebelle mamelo ea liphoofole hobane ha li na boikhethelo, empa o labella mamelo ea rona, ebile o kopa tšebeletso ea rona e etsoang ka botšepahi; ka baka lena, Morena Molimo o behile kapele ho rona melao ea hae, hore re e boloke.

Meloa ena re na le matla a ho e boloka kapa ho e tloa; re ka ikhethela ho etsa tse lokileng kapa tse mpe; empa ha re etsa tse mpe, re sitoa ho itatola ka ho re ho ne ho se kamoo re ka etsang kateng. Motho, haholo mokriste, ea tsebang tsohle tseo Molimo a li entseng hore a be le bophelo bo sa feleng, a ka se mamele Molimo joang?

Molimo o re file mpho ea lerato, 'me ka eona mpho ena ea lerato re tšoaetseng ho re thusa ho ikhethela hantle. Re lokela ho phema sebe hobane sebe ke ho tlotlolla lerato la Ntate a rona ea maholimong, ea rometseng Mora oa hae lefatšeng hore a phele le rona, a utloa bohlokoa 'me a re shoele, hore re tle re rue bophelo bo lehlohonolo le Molimo leholimong ka bosafeleng. Mokriste oa 'nete a ka tloa ka boomo joang litaelo tsa Ntate a rona ea re ratang hakaalo?

Ka mohlomong re lebala lerato lena la Molimo oa rona 'me re tlole melao ea hae. Mohlomong re qetile lilemo tse itseng hole le eena, re sa mo tsotelle le ho mo tsotella. Ka lehlohonolo, nako e sa le teng ea ho khutlela ho eena, le ho fumana tšoarelo ea libe tsa rona, hobane Ntate a rona o mohau 'me o ikemiselitse ho tšoarela kamehla moetsalibe ea bakileng. Empa moetsalibe ea se nang pako, ea hanang ho khutlela ho Molimo 'me ea tsoelang pele ho mo soabisa, a ka 'na a iphumana a le kapele ho moahloli ea tla mo ahlola ka toka, a mo ahlolela tahleho e sa feleng. Mohau oa Molimo ha o na moeli, ke 'nete, empa Molimo a ke ke a tšoarela motho ea sa ikopeleng tšoarelo, a ke ke a amohela ngoana ea lehlasoa ea sa rateng ho khutlela lapeng. Moeli oa mohau ha o behoe ke Molimo, o behoa ke rona batho.

Evangeli ea kajeno e re thusa hoba le kutloisiso e nephetseng ea molao. Bafarisi ba ne ba talima mantsoe a molao, e seng moea oa oona, 'me ka baka lena, ba ne ba mamela molao ba sa itšetleha hakaalo ka lerato la Molimo, empa ba ne ba shebile molao ka bo oona feela. Ba ne ba fetohile makhoba a molao. Jesu o re hlalose hore re tšoaetse ho itokolla bokhobeng bona ba molao, ka ho o boloka ka lerato e seng ka ho tlamelloa.

Kriste h'a felisa melao e leshome eo Molimo a neng a e file Moshe, empa o ile a tebisa kutloisiso ea rona ea molao ka ho o theha holim'a lerato la Molimo. Ha hoa lekana ho se bolae motho, empa re tšoaetse ho rata le ho hlonepha batho bohle. Ha hoa lekana ho se rohake motho, empa re tšoaetse ho mo thusa ho phema tsohle tse ka mo utloisang bohlokoa, kamoo re nang le matla kateng. Ha hoa lekana ho se etse liketso tse mpe, empa mokriste o tšoaetse ho hlonepha le ho rata ntho tsohle tse hloekileng.

Ka mantsoe a mang, tšebeletso ea 'nete ea Molimo e qala ka pelong. Motho a ka boloka melao eohle empa ha a se na lerato, hona ha ho mo thusa ka letho. Re boloka melao e leshome ea Molimo hobane re mo rata 'me re rata ho mo leboha ka baka la limpho tsohle tseo a re fileng tsona le tseo a re baletseng tsona bophelong bo tlang.

Ka baka lena, lerato la rona le ka re tlama ho etsa ntho tse ngata tse sa ngoloang molaong. 'Me le teng ka lerato re ka itima ntho tse ngata tse lumeletsoeng ke molao. Motho ea bolokang moalo ka tsela ena o lokolohile bokhobeng ba molao. Ha a khannoe ke molao kapa ke tšabo ea Molimo, o khannoa ke lerato leo a ratang Molimo ka lona.

Bahalaleli har'a Beke

16	Hlakola	Aganus
17	Hlakola	Donatus
18	Hlakola	Lucius
19	Hlakola	Belina
20	Hlakola	Sadoth
21	Hlakola	Valerius

Mphaki e tšeremisa mangole

Tšeliso Thakholi

Sehlopha sa Bolo ea Maoto sa Basali sa Mphaki HS se boemong ba bosupa lokong ea Lesotho Womens Super League, se khatlitse barati le batšehetsi ba bolo matla ka ho tlotloloa le ho tetekoa habohlolo ka phafa ea 7-0 ke bompoli ba sireletsang sekola ba Kick4Life Ladies lekhetlo la bobeli ka tatellano, leotong la bobeli la liki le neng le bapalloa Boemafofane ba Sesole ba Mejametlana, Maseru ka Moqebelo oa la 7 Hlakola 2026.

Kamor'a papali ena e bileng matla, Motlatsi oa mokoetlisi oa Mphaki HS, Monghali Lemohang Phaloane, o tiisitse hore ba ntse

ba ena le tšepo ea hore ba tlo phethahatsa thomo ea bona ea hoba kahar'a lihlopha tse 'ne tse kaholimo lokong ha lipapali li fihla pheletsong, ena e bile tšebetso e nyotobetsang batšehetsi ba sehlopha kaha tšepo ea bona e ne e le hore e tla matlafatsa maemo a eona lokong, e nyolohele boemong ba botšelela.

Bothata bo boholo ba Mphaki HS Ladies bo ne bo hlaha haholo ha e lokela ho qetella mosebetsi oa eona ka ho hlaba lintlha. Ruri pele mane phalo e ne e fihla e ema le lesemela. A mang a mathata a neng a bonahala, e ne e le hore mola o pele oa Mphaki HS Ladies ha o jele phaate le ho ipha libaka ha e mong oa bona a tsoere bolo. Seipati 'Mako le ha e le e mong oa libapali tse matla moleng o kapele, h'a ne a tsoara bolo, ba li-reng ba ne ba molika le ho



nka bolo ho eena habobebe hobane o ne a bapala a le mong kapele.

Papali e sa qala feela Kick4Life Ladies e hlile ea leka ho fenekeletsa Mphaki

HS likobo molaleng, le hoja mola o kamorao o neng o bopiloe ka bo-Tebello Lesalla le Tšepiso Ramosoeu eo e neng e le eena moetapele oa sehlopha ba ile ba loana

ea khumamela, hoo ba ka beng ba hlabiloe lintlha tse ngata ho feta. Tšepiso ke e mong oa libapali tse ileng tsa bapala bolo e tsoileng matsoho moleng o kamorao oa sehlopha sa Mphaki HS Ladies. Khau e'a motšoaanela!

Le ha mola o kamorao oa Mphaki HS Ladies o ne o thiba ka nqena le ka nqane, ntoa e ile ea ba hlola kaha mola o kapele oa Kick4Life o ne o bonahala o iketsetsa borata ka neheletsano e matla ea libolo e neng e luba Mphaki HS ho tloha morao ho fihlela pele hoo karolong ea pele ea papali, Nyakallo Taole a ileng a hlaba ntlha ea pele. Eaba e se e le setha se oele holim'a Mphaki HS Ladies ho fihlela li ea khfutso e se e fopha mali ke phafa ea 4-0.

Ha li kena karolong ea bobeli Kick4Life Ladies e bontšintse e ntse e-n'a le taba-tabelo ea ho hlaba lintlha hoo Boiketlo Molise, Tholoana Tšoaali le Molemo Mokhothu ba ileng ba khokhothela sepekere sa ho qetela ka ho eketsa lintlha, ea ba papali e fela e le 7-0. Ka kakaretso papali ena ke ea tse ling tse bileng matla tsa Liki e Kholo ea Basali, 'me Mphaki HS Ladies ke sehlopha se matla ebile se leqophe haholo, ha se lahle tšepo ka pele leha se hlabiloe lintlha tse ngata se ntse se futuha ka matla.

Mphaki HS Ladies e boetse ena le libapali tse ntle haholo feela li lokela ho sebetsoa haholo hore li rutoe maqiti a ho hlasela le ho hlaba lintlha ke bakoetlisi. Lena ke lekhetlo la bobeli se shapuo 7-0 ke Kick4Life Ladies lebaleng le tšoanang le ka nako e tšoanang. Liking ea selemo se secha sa lipapali sa 2026/2027 e lokela ho ea itokisa haholoanyane haeba e batla ho hlola Kick4Life Ladies.

Highlanders ha e-s'o lahle liphethela

Tšeliso Thakholi

Sehlopha sa Bolo ea Maoto sa Qoaling Highlanders, ha se e-s'o lahle liphethela, e le pontšo ea hore le lipapaling tsa liki tsa monongoaha joaloka ngoahola e se e hlotsoe ho hapa liki haele mona ho hlabiloe khoeleng lipapaling tsa Liki ea A Division ka mekhahlelo e 'meli ka Leboea le ka Boroa.

Qoaling Highlanders e ileng ea bonahala e ntse e khabela mokhahlelong oa pele oa lipapali tsa liki o qalileng ngoahola, lekhetlong lena e bonahala ena le lehabea la ho kakasetsa Mohope oa Liki ea A Division holimo, kamor'a hore monongoaha e matlafatse sehlopha sa eona likarolong tse ngata tsa lebalala ka libapali tse ncha tse bonahalang li ena le boiphehlelo bo boholo maemong a liki e kholo.

Tšepo ena e tekiloe ke Mokoetlisi oa Qoaling Highlanders, Monghali Wright

Mofokeng kamor'a ho khutlisetsa molamu sefateng ka ho shapa Swallows ka thupa e bohloko ea 1-0, papaling e neng e bapalloa lebaleng la Swallows, Mazenod, ka Sontaha sa la 8 Hlakola 2026. Mokhahlelong oa pele Swallows e ne e hlole Qoaling Highlanders ka 3-1.

Mofokeng o re o batla a khotsofetse haholo ke phetoho e teng kahar'a sehlopha sa habo kamor'a hore a ke a lebe lihlopheng tse ling tse kholo tse kang Machokha ho ea kopa libapali tse peli ho ntlafatsa mola o kapele oa sehlopha. "Kea kholoa e 'ngoe eo o e boneng ke hore re ne re atisa ho hlajoa lintlha habonolo. Ka lebaka lena re qeteletse re tlosa Makhetha kahare re mo isa lipalong, 'me o bapetse ka bokhabane bo boholo." O boletse joalo.

A re hona joale ba ahile sehlopha sa bona ka tsela eo ba ikemiselitseng ho tla loana ea khumamela haele mona lipapali li lebile khoeleng. A re ba boetse ba matlafalitse sehlopha sa bona mo-

leng o kamorao ka boteng ba sebakali se matla haholo e leng Tale, "me ha o ka sheba sehlopha sa rona hajoale papising le ha re ne re qala liki re se re batla re matlafetse haholo. Ke re le papali feela oa e bona hore e fetohile."

O re ha se patuo e hore tsela eo ba bopileng sehlopha sa bona ka libapali tse ncha, ba tlisitse phetoho e kholo kaha moleng o bohareng le o kapele ba batla ba latile libapali tse seng li ile tsa bapala lihlopheng tse kholo, 'me litsebo tseo tsa bona li tlisitse phetoho e kholo kahar'a sehlopha. Ka hona sena se e ntse hore ba lumele hore ba ka 'na ba hapa sejana sa liki kapa hoba kahar'a tse 'ne tse kaholimo ha lipapali li fela.

A tiisa hore ba tla loana ea khumamela hore ba fihle kaholimo ho loko, "me le tsela eo re bapalang ka eona hona joale, e'a bontša hore re tla fihla. Ke khothetse haholo kannete ke tsela eo bahlankana ba bapalang ka eona, kaha re lekile ho lokisa mona le mane ho leka ho fa sehlo-

pha sa rona sebopeho se secha." Ke Mofokeng eo.

Ka ho shapa Swallows e nyolohetse boemong ba bohloko ka lintlha-kholo tse 15, 'me e morao ka papali e le 'ngoe. Haele boemong ba pele Liking e ka Boroa ea A Division ke sehlopha se secha haholo se sa tsoa kena liking ea A Division sa All Aces sa Mahale's Hoek, bobeling ke Quthing LMPS, borarong ke Kick4Life Juventude ha boneng e le FC Summit.

Ka qetellong ke Mahlaseli ka lintlha-kholo tse tšeletseng kaha Ace Maseru eo e neng e le eona mokoallo e ile ea ikhula liking ea A Division ka lebaka la khaello ea lichelete ea ho tsamaisa sehlopha. Ace Maseru e ne e sa tsoa theoha lihlopheng tse kholo tsa Premier ngoahola. Haele ka Liking e ka Leboea ea A Division sehlopha se ntseng se lihula pele ke sa Mzamane se ileng sa tsoa le moo se neng se kene le teng Liking e Kholo ea Premier ngoahola, se hlahlangoa ke se secha haholo Liking ea A Division e leng Buasono United.

Ka qetellong ke sehlopha sa khale haholo sa A Division e leng sa Litšilo. Kaholimo ho sona, e leng boemong ba borobong ke se kileng sa tuma haholo ka papali ea sona e ntle Liking ea Premier, lilemong tsa ho feta sa Butha-Buthe Warriors. Ka nako eo se ne se bapala le lihlopha tse Butha-Buthe tse kileng tsa tuma haholo e leng Joy le Mphatlalatsane tseo e seng e se bafu empa e seng e le balimo.



Mafoso ke mokoetlisi oa Likuena

Tšeliso Thakholi

Mokoetlisi oa boemo ba machaba oa Naha ea Lesotho ea neng a koetlisa sehlopha sa African Stars ea Naha ea Namibia Monghali Atang Bob Mafoso, o phatlalalitsoe ka molao e le mokoetlisi e mocha oa Sehlopha sa Naha sa Likuena, 'mokeng oa baphatlalatsi ba litaba o bileng Bambatha Sports Arena, Maseru, ka la 9 Hlakola 2026.

Mafoso o filoe thomo ea ho tsamaisa sehlopha sa naha nako ea lilemo tse peli moo har'a e meng ea mosebetsi oa hae e leng ho lokisa sehlopha bakeng sa ho phunyeletsa ho ea mohopeng oa litlholisano tsa Africa Cup of Nations 2027.

H'a bua le baphatlalatsi ba litaba 'mokeng ona, President ea Mokhatlo o Tsamaisang Bolo ea Maoto Lesotho (LeFA), Lijane Nthunya, o boletse hore mokoetlisi e mocha o tla tsepamisa maikutlo a hae sehlopheng sa naha feela. A re ha hona ho tsoana le nakong e fetileng moo mokoetlisi a neng a



lumelletsoe hore a ka koetlisa sehlopha sa Premier League le sa naha. A tiisa hore mokhatlo oa habo o tla tšehetsa mokoetlisi e mocha ka hohle-hohle e le hore a tle a tsebe ho fihlela katleho thomong eo a e filoeng.

Mafoso o itse o amohetse mosebetsi ona ka liatla tse peli lehoja o le boima, empa a tšepisa hore o tla sebetsa

ka thata bosiu le motšeaare ho bona hore sehlopha se'a atleha. A bontša hore lehoja nakong e fetileng sehlopha sa naha se sa ka sa sebetsa hantle, e bile thuso e kholo bakeng sa kholo ea sehlopha kaha ba ithutile tse ngata tsa bohlokoa. "Ke thabile e bile ke tšohile hobane kea tseba hore litebello li phahame haholo." Ke Mafoso

eo.

Mafoso ea sebelitseng nako e telele sehlopheng sa naha sa Likuena le mokoetlisi ea sa tsoa felloa ke nako ka Tšitoe ngoahola Monghali Leslie Notši.

Boiphihlelo litabeng tsa bokoetlisi li qalile ho hlalella ka selemo sa lipapali sa 2013/2014, moo e neng e le mokoetlisi oa sehlopha

se kileng sa tsejoa haholo liking ea Premier se neng se bitsoa Likila United sa Butha-Buthe. Kamor'a moo ea eba mokoetlisi oa sehlopha se ileng sa ichoella feela ka mokhoa oa mohlolo sa Sandawana.

Ka 2016 ea eba motlatsi oa mokoetlisi James Madidilane sehlopheng sa Bantu ha sehlopha seo se tla etsa nalane ka ho hapa Liki e Kholo ka makhetlo a latellanang. Ka 2018 ea eba mokoetlisi oa Kick4Life moo a sebelitseng ka thata ho beha sehlopha seo boemong ba bohloko lokong. Ka 2019 a boela a khutlela sehlopheng sa Bantu e se ele mokoetlisi moo a ileng a hapa liki makhetlo a mane.

Mafoso o boetse a koetlisa Lioli le Linare moo a ileng a fuoa mosebetsi oa ho ba mokoetlisi oa machaba, ho ea koetlisa sehlopha sa African Stars. O boetse o sebelitse le Leslie Notši sehlopheng sa naha sa ba ka tlaase ho lilemo tse 20 sa Makoanyane XI se ileng sa fihla ho makhaolakhang a Mohope oa COSAFA moo se ileng sa hlaha boemong ba bobeli kamor'a ho hloloa ke Afrika Boroa.

Se ikatela ka libapali tsa melata

Tšeliso Thakholi

Sehlopha se sa tsoa kena Liking e Kholo sa Maroala, se tobaneng le ho tla rathoa ke selepe ha selemo sa lipapali tsa Liki e Kholo ea Vodacom se fela ka Motšeanong monongoaha, se tekenne libapali tse peli tse ncha tse tsoang kantle ho naha e le ho tla leka ho ntša sehlopha tebetebeng eo se khasang kahar'a eona.

Libapali tsena tse ncha li qalile ho bapala papali ea tsona ea pele ha Maroala e bapala le Members, moo e ileng ea lahleheloa ke papali eo ka ho hloloa ka 1-0, lebaleng la Ha Ratjomose, Maseru, ka Sontaha sa la 8 Hlakola monongoaha, ke Kudakwashe Munetsi ho hlaha naheng ea Zimbabwe ea bapalang mpeng ea lebalala le Joseph Ngnemseng ho tsoa naheng ea Camer-



oon ea bapalang moleng o kamorao.

Ho fihlela hajoale, sehlopha sa Maroala e sa ntse e le sona feela sehlopha se secha se qalang ho bapala liking e kholo se seng se ena le libapali tse tsoang linaheng tse ling. Ha ho le joalo, tšepo e kholo ke hore sehlopha sa Maroala se tlii'o ba le seriti le ho hlompheha ka boteng ba libapali tsena

kaha se tla tloha moo se leng teng, kutung ea loko, se nyolohela holimo ha lipapali tsa liki li fela. Papali ea Maroala le Members e hlaisitse liphetoho tse ngata tse bonahalang ka lebaleng.

Maroala e boemong ba ho qetela ba loko ka lipapali tse 18 ea hlola tse peli, ea bapala kaho lekana ho tse 'ne, ea lahleheloa ke tse 12, ea hlaba lintlha tse 9 ha eona e hlabiloe tse 35 ea bokeletsa litlha-khola tse 10 ka khetsing.

Boteng ba libapali tse tsoang kantle ho naha liliking tse khola tsa naha ha se ntho e ncha, kaha tse ling li tloha Lesotho ho leba linaheng tse ling tse kang Afrika Boroa, Botswana le Eswatini ha ba bang ba etla ho tla

bapalla lihlopha tsa Lesotho, ho ipapisitsoe le melao le melaoana ea ngoliso ea libapali. Ngoliso e phethetsoe ka la 31 Pherekhong 2026, 'me mokhahlelo oa bobeli oa liki e kholo o kene khoeling ea pele ea Hlakola.

Ho feta mona sehlopha sa Linare se tekenne mohlaba-lintlha ea hloahloa e leng Mubeneshayi Lumpungu ho tsoa naheng ea Democratic Republic of Congo ea neng a bapalla sehlopha sa Orapa United naheng ea Botswana. Lumpungu o tekenetse tumellano ea nako ea likhoeli tse tšeletseng. E boetse e tekenne Luciano Matsoso ea neng a bapalla sehlopha sa Police XI naheng ea Botswana. Athe ka koano ka hae se ikatetse ka sethibathibane se matla sa

Machokha e leng Fusi Rnone.

Haele bompoli ba sireletsang Mohope oa Vodacom Premier League e leng Lioli 'Tse Nala' se amohetse sebakali sa sona e leng Switherth Kum ea neng a le sehlopheng sa Township Rollers ea Botswana. Kum ke letsoalloa la Naha ea Cameroon ea neng a lokolloe ke Lioli tlas'a litumellano tsa hore ha konteraka ea hae e fela o tla 'ne a bapalle Lioli. Kum o bapetse papali ea hae ea pele khahlanong le Majantja tlas'a mokoetlisi e mocha Monghali Halemakale Mahlaha moo ba bapetseng ka seahlolo sa 2-2, papaling e bileng S. Russel Technical Centre, Mohale's Hoek ka Sontaha sa la 8 Hlakola 2026.



MASERU MASTERS LEAGUE 2026

Li tla bapala tjena

15 Hlakola 2026

D. Athletic vs Sekoele

Fafatsah vs Boqate

Gladiatore vs Millenium

Scorpion vs Seapoint Black XI

Abia Masters vs Lesotho Legends

Castle XI vs Fate Sea Bua

AFRICA Masters vs Semetletsa

9Nine vs Machache

Standby vs Ramblers

Sepheho sa la 8 Hlakola ha se tsoa hobane lipapali ha li ea tsoelapele ka lebaka la boemo ba leholimo boneng bo sa jese litheohelang ka lebaka la pula ea litloebelele.